



Bosna i Hercegovina
Federacija Bosne i Hercegovine
Tuzlanski kanton
GRAD GRADAČAC

H.K.Gradaševića 54, 76 250 Gradačac, telefon 035-369-750, fax. 035-369-751, e.mail: opc.grad@bih.net.ba, www.gradacac.ba

**Gradska služba za društvene djelatnosti
i boračko invalidsku zaštitu**

**INFORMACIJA O STANJU SOCIJALNE ZAŠTITE NA PODRUČJU GRADA
GRADAČAC**

Gradačac, oktobar 2019. godine

Gradska služba za društvene djelatnosti i boračko-invalidsku zaštitu obavlja poslove iz člana 6.2. Odluke o organizaciji i djelokrugu organ uprave i drugih tijela gradske uprave i samouprave Grada Gradačac.

Poslovi u nadležnosti Gradske službe za društvene djelatnosti i boračko-invalidsku zaštitu propisani su Pravilnikom o unutrašnjoj organizaciji i sistematizaciji gradskih službi za upravu i drugih službi i tijela gradske uprave i samouprave Grada Gradačac tako da Služba obavlja i sljedeće poslove:

- obezbeđuje koordinaciju i vrši nadzor nad radom javnih ustanova čiji je osnivač Grada Gradačac i prati provođenje osnivačkih prava Grada nad javnim ustanovama i o tome izvještava Gradonačelnika i Gradsko vijeće
- vrši stručne i ostale poslove vezane za povratak raseljenih lica
- vrši poslove prijave i odjave raseljenih lica
- vrši obezbjeđenje efikasnog funkcionisanja centara za kolektivni smještaj raseljenih lica,
- učestvuje u izradi i realizaciji projekata za provedbu Anexa 7. Općeg okvirnog sporazuma u saradnji sa humanitarnim i vladinim organizacijama...

Gradska služba za društvene djelatnosti i boračko-invalidsku zaštitu u 2019. godini realizuje slijedeće aktivnosti:

- U saradnji sa državnim Ministarstvom za ljudska prava i izbjeglice i Federalnim Ministarstvom raseljenih osoba i izbjeglica Grad Gradačac realizuje Projekat „Zatvaranje kolektivnih centara i alternativnog smještaja pružanjem javnih stambenih rješenja - CEB II“. Na području Grada Gradačac gradiće se dva stambena objekta sa 76 stanova i to jedan objekat sa 40 stanova u Vidi II a drugi objekat sa 36 stanova u ul. Ibrahima Kapetanovića – Potok mahala, te sanacija 10 stanova u naselju „Holandske kuće“ u mjesnoj zajednici Požarike. Gradsko vijeće Grada Gradačac je usvojilo Odluku o osnivanju, upravljanju, raspolaganju i korištenju stambenog fonda uz primjenu principa socijalnog stanovanja i Odluku o stambenom zbrinjavanju korisnika kolektivnih vidova smještaja kroz impementaciju Projekta „Zatvaranje kolektivnih centara i alternativnog smještaja putem osiguranja javnih stambenih rješenja“ te će se i ove stambene jedinice koristiti po principu „socijalnog stanovanja“. Do kraja 2019. godine će biti završena projektna dokumentacija tako da se sa gradnjom objekata počne u proljeće 2020. godine.

Učešće Grada Gradačac kroz obezbjeđivanje zemljišta za gradnju, geološka istraživanja, projekte, dozvole i nadzor iznosi 2.029.274,00 KM a CEB-projekta 4.028.429,00 KM što ukupno iznosi 6.057.703,00 KM bez PDV-a.

Na ovaj način će se obezbijediti smještaj za 86 porodica koje ispunjavaju kriterije socijalnog stanovanja. Gradska Služba za društvene djelatnosti i BiZ je sačinila spisak mogućih korisnika i izvršila snimanje stanja na terenu te utvrdila bodovnu listu korisnika koja je dostavljena nadležnim ministarstvima.

- U saradnji sa Ministarstvom za ljudska prava i izbjeglice, Federalnim ministarstvom raseljenih osoba i izbjeglica i CRS –om / Catholic relief services/ obnovljeno je 7 kuća po projektu Regionalnog stambenog programa. Uz obnovu kuća korisnicima su obezbijedena i sredstva za održivi povratak: 4 plastenika površine 100 m², sa sistemom za navodnjavanje po sistemu kap po kap. Korisnici su dobili rasad paprike i paradajza i gnojivo. Kao znak priznanja dobrog odnosa prema donaciji dobili su i po motokopačicu i sjemenski paket za zimsku sjetvu u plasteniku. Jedan korisnik je dobio sadnice jagode sa pratećim materijalom za 1 dulum a jedan je dobio suprasne svinje.

Paket pomoći je iznosio oko 4.000,00 KM. Napominjemo da je u ovom projektu Grad učestvovao sa 3.900,00 KM.

- Naselje Diren koje je u funkciji od 1998.godine i bilo je namijenjeno za smještaj povratnika iz Njemačke imalo je 61 stan od čega smo porušili 21 stan zbog dotrajalosti. Trenutno u naselju Vida II-Diren se za smještaj lica bez riješenog stambenog pitanje koristi 37 stanova a tri stana su devastirana. Do kraja marta je planirano rušenje svih objekata zbog izgradnje stambene zgrade sa 40 stanova za socijalno stanovanje.
U naselju boravi jedna porodica poginulog borca čija kuća je oštećena klizištem a dvije porodice umrlog RVI čija kuća je oštećena klizište.
Osam porodica raseljenih licaje sa drugih općina i 11 porodica koje su socijalno ugrožene i nemaju riješeno stambeno pitanje. Jedanaest porodica bespravno koristi smještaj a četiri stana su prazna a korisnici povremeno dolaze da obiđu stanove.
- Za jednokratne novčane pomoći po budžetu grada je planirano 52.000,00 KM a do kraja septembra 2019. godine realizovano je 32.700,00 KM i to za ogrev je dodijeljeno 6.000,00 KM a za liječenje teško oboljelih lica, dodjelu paketa hrane i druge potrebe korisnika 26.700,00 KM.
- Za alternativni smještaj je planirano 40.000,00 KM a do kraja septembra 2019. godine je realizovano 21.000,00 KM. Grad plaća naknade za alternativni smještaj za 26 porodica i to 5 porodica raseljenih lica, 21 porodica bez riješenog stambenog pitanja a socijalno su ugrožene.
- Za sanaciju oštećenih kuća je planirano 20.000,00 KM a realizovano je 11.650,00 KM. Pomoć je dodijeljena za 10 korisnika – sanacija kupatila, stolarije i priključak električne energije.
- Za ishranu učenika romske populacije je planirano 3.000,00 KM a do sada je utrošeno 2.000,00 KM. Za 8 učenika romske populacije u OŠ „Hasan Kikić“ i 27 učenika u OŠ „Ivan Goran Kovačić“ se plaća obrok u školskim kuhinjama.
- Za pomoć teško oboljelim demobilisanim borcima putem Gradske komisije planirano je dodjela pomoći u iznosu od 30.000,00 KM.
- Centru za socijalni rad za pomoć licima u stanju socijalne potrebe je planirano 30.000,00 KM i Centar redovno obavještava ovu službu o dodjeli sredstava.
- Za djecu smještenu u kući „Duga“ Grad je planirao 20.000,00 KM a realizacija sredstava je putem Centra za socijalni rad.

Gradska služba za društvene djelatnosti
i boračko invalidsku zaštitu